

KU FUMA NYANGWA WA

NALA ENDZHAKU KA NDZINGO

 Ndza ti vutisa loko . . . Ma swi tiva, ndzi na mavonele nyana, kukotisa, ku vona vanhu va yima loko hi hlaya Rito. Xana a mi swi tsakeli sweswo xana? Ha yima hi ku kombisa xichavo, ha yima loko hi yimela tiko ra hina, hikokwalaho ka yini hi nga yimi loko hi yimela Rito sweswi?

² Loko ha ha yimile ntsena xinkadyana. A ndzi ri eku hlayersha atikili, ku ngari khale ngopfu, nakona a ndzi ri eku ehleketeni Yusiku bya tolo hi vanhu lavaya va nga yima va yimela Kreste. Loko hi leswaku a wu swi endlanga, a wu nge swi koti ku swi endla namunttha xana?

³ Ku vile na muevhangelu lonkulu, kwalomu ka makume nkombo-ntlhanu wa malembe lawa ya nga hundza, ntsena a ndza ha ri ehleketi vito ra yena. Ndzi ehleketa leswaku a ri Arthur McCoy, nakona u tsemekanyile tiko. Nakona siku rin'wana u vile na norho wa leswaku u yile eVukwetsimeleni. A vula leswaku u yile ehenhla eNyangweni, nakona a vula leswaku a va n'wi pfumelelanga a nghena. Nakona a vula leswaku u te, "Hi mina Arthur McCoy wo huma eUnited States. Ndzi muevhangeli."

⁴ Swingaleswi muhlayisi wa nyangwa u yile a ya nghena, (sweswi leswi a kuri norho), nakona u nghenile, a ku, "A ndzi ri kumi vito ra wena."

A ku, "Kunene, a ndzi ri muevhangeli."

A ku, "Nkulukumba, ndzi . . ."

⁵ A ku, "Kunene, wu nga hava wu ri kona nkarhi wa . . . Ku na swin'wana swi nga hoxeka."

⁶ A ku, "Ee, nkulukumba. Ndzi na Buku lahawani. A ndzi ri kumi vito ra wena."

Nakona a ku, "Kunene, xana ndzi nga endla swin'wana ha swona?"

⁷ A ku, "U nga ha endla xikombelo xa ximfumo xa nandzu wa wena eka Xiluvelo xo Basa xo Avanyisa." Xikwembu, pfuna. A ndzi swi lavi kuva kwalahaya.

⁸ A ku, "Kunene, loko sweswo kuri ku tshembha ka mina ku ri koxe, ndza pfumela leswaku ndzi ta endla xikombelo xa ximfumo xa nandzu wa mina manuku."

⁹ Kutani a ku a ehleketa leswaku u yile le kule, nakona ntsena . . . Nakona tani hiloko a sungula, u te a kuri munyama, kutani kuya ku vonakala na ku vonakala, nakona a ku a swi

tikomba tani hiloko ku ri hava ndhawu yin'wana laha Rivoni leri ri yimaka, kambe yena a ri exikarhi ka Rona. Nakona u vule leswaku Xi te, "I mani loyi a tshunelakxa Xiluvelo xa Mina xo Avanyisa xana?"

¹⁰ A ku, "Hi mina Arthur McCoy. Ndzi muevhaneli, ndzi rhumele mimoya yo tala eka Mfumo."

A ku, "Xana vito ra wena a ri kumekanga eBukwini xana?"

"Ee."

Xi ku, "Kutani u endlile xikombelo xa ximfumo eka Khoto ya Mina?"

"Ina, nkulukumba."

¹¹ "U ta amukela vululami. Ndzi ku avanyisa hi milawu ya Mina. Arthur McCoy, u tshame u hemba xana?"

¹² A ku, "A ndzi ehleketa leswaku a ndzi ri munhu wo saseka wa kahle ku kondza ndzi yima eka Rivoni lero." U te, "Kambe eka Vukona bya Rivoni lero, a ndzi ri mudyohi." Hinkwerhu hi tava xisweswo. U nga ha titwa u sirhelelekile sweswi, kambe yima ku kondza u fika Kwalahaya. Xana mi ehleketa leswaku swi twakarisa ku yini lahawani loko Yena a ri eku toteni? Hilaha mi nga ha titwaka mi ri vantsongo hakona! Xana swi tava swi ri njhani eka Xiluvelo lexiya xo Basa xo Avanyisa?

Xi ku, "U tshame u hemba xana?"

¹³ A ku, "A ndzi ehleketa leswaku a ndzi tshembheka, kambe swilo swin'wana leswi ntsongo leswi a ndzi ehleketa leswaku a swi ri mavunwa mantsongo yo basa, ya va lamakulu ma tlhela ma zwihalala Lahaya."

A ku, "Ina, nkulukumba, ndzi vurile vunwa."

Xi ku, "U tshame u yiva?"

¹⁴ A ku, "A ndzi ehleketa leswaku a ndzi tshembhekile ha swona, nakona a ndzi se tshama ndzi yiva," kambe a ku, "eVukoneni bya Rivoni lero, ndzi—ndzi swi lemukile leswaku a ku ri na vubindzuri lebyi ndzi nga byi koka, leswi ntsena a swi ngari kahle."

A ku, "Ina, nkulukumba, ndzi yivile."

Xi ku, "Ku avanyisiwa ka mina . . ."

¹⁵ Nakona ntsena a tilulamiserile ku twa xigwevo xa yena, "Famba u ya eka ndzilo lowu wu nga heriki lowu wu nga lulamiseriwa javulosi na tintsumi ta yena," a ku rhambu rin'wana na rin'wana a ri avana.

¹⁶ A ku, "Ndzi twile Rito ro saseka leri ndzi nga se tshamaka ndzi ri twa evuton'wini bya mina." A ku, "Loko ndzi hundzulukela ku languta, ndzi vonile xikandza xo saseka lexi ndzi nga se tshamaka ndzi xi vona; ku saseka ku tlula xikandza xa manana, rito ro saseka ro tlula ra manana leri ri nga tshama ri

ndzi vitana.” A ku, “Ndzi hundzuluka ndzi langutisa. Ndzi twa Rito, ri ku, ‘Tatana, walowo i ntiyiso, u vurile mavunwa nakona a nga tshembhekanga. Kambe, ehansi emisaveni u Ndzi yimerile,’ a ku, ‘sweswi Ndzi ta yima endzhawini ya yena.’”

¹⁷ Sweswo hi leswi ndzi lavaka leswaku swi humelela Lahaya. Ndzi lava ku N’wi yimela sweswi, leswaku, loko nkarhi walowo wu fika, Yena a yima endhawini ya mina.

¹⁸ A hi hløyeni eka Genesa 22:15, 16, 17, na 18 wa tindzimana.

Kutani ntsumi ya Hosi yi vitana Abraham ra vumbirhi yi ri etilweni.

Yi ku, Ndza hlambanya mina hi xiviri, ku vula Hosi, hikwalaho ka leswi u swi endleke, a wu alanga na n’wana wa wena, loyi a ngo va un’we:

Hikwalaho eku katekeni Ndzi ta ku katekisa, . . . eku andziseni Ndzi ta andzisa mbewu ya wena tani hi tinyeleti ta le tilweni, na ku kotisa sava eribuweni ra lwandle; kutani mbewu ya wena yi ta fuma nyangwa wa nala wa vona;

Kutani eka mbewu ya wena matiko hinkwawo ya misava ma ta katekisiwa; hikuva wena u yingisile rito ra mina.

A hi khongeleni.

¹⁹ Tatana wa le Matilweni, teka tsalwa sweswi, Hosi, kutani u hi ministarela. Ingaku Moya lowo Kwetsima wu nga ha rhwala Marito, Hosi, wu ma yisa ehandle eka mbilu yin’wana na yin’wana. Sweswo swi nga fikelela ku langutela ka hina ndzhengha lowu, hikuva ma kahle, Hosi. Nakona U hi byerile ku kombela hi xitalo, leswaku ku tsaka ka hina ku ta tala. Ha swi kombela hi Vito ra Yesu. Amen.

Mi nga tshamisa.

²⁰ Loko leri ndzi nga ri vitana tsalwa, eka swinkadyana swintsongo. Rito ra mina ri tsanile, hi xona xivangelo xa kuva ndzi yima eka xiteka-marito. Ndza swi tiva leswaku ku na ngulumelo, kambe a hi hluphekeninyana swintsongo. Ndzi lava ku yi vitana leswaku: *Ku Fuma Nyangwa Wa Nala Endzhaku Ka Ndzingo.*

²¹ Xivono xa hina xi pfuleka eka xin’wana xa swivono swo hlamarisa swinene eka Abraham. Ma swi tiva leswaku Abraham i tatana wa lava tshembhekeke. Nakona xitshembhiso xi endliwe eka Abraham. Nakona ntsena ku va vadyi va ndzhaka na yena, ha Kreste, i ndlela yi ri yoxe yo amukela xitshembhiso, i kuya hi Abraham. Sweswi, Abraham ntsena a ri munhu ntsena, kambe u vitaniwile hi Xikwembu nakona a tshembheka eka ku vitana kwaloko. Loko Xikwembu xi vulavurile na yena, Abraham na kan’we a nga kalanga a kanakanile Rito lero. U tshamile na

Rona. Swi nga khathaleki leswaku ku tika yini, u tshamile na Rona.

²² Nakona u tshembhisiwile n'wana. Nakona u rindzerile makume mbirhi-ntlhanu wa malembe kuva a kuma n'wana yaloye, ku vitana swin'wana na swin'wana swo hambana na swona tani hiloko swi ngari tano. Kutani, nakona eka n'wana loyi, hinkwayo mindyangu ya misava a yi ta katekisiwa. Nakona mupatriaka a tshembhekile eka ku vitaniwa ka yena na Rito ra xitshembhiso.

²³ A ri xikombiso xa leswi hi fanelaka kuva xiswona. Sweswi hina, kuva hi file eka Kreste, hi Mbewu ya Abraham.

²⁴ Sweswi, a kuri na timbewu timbirhi ta Abraham. Yin'wana ya tona a kuri mbewu ya ntumbuluko; leyin'wana a yi ri Mbewu ya ximoya. Yin'we ya tona a yi ri ya ntumbuluko, hi nyama ya yena; leyin'wana a yi ri Mbewu ya ripfumelo ra yena, ripfumelo, leswaku na hina hi ngava Mbewu ya Abraham hi Rito ra xitshembhiso.

²⁵ Kutani sweswi endzhaku ka loko a ringiwile ku ringana makume mbirhi-ntlhanu wa malembe yo leha, nakona, ematshan'wini ya kuva a ya a tsana, a ya a tiyela. Ma vona, loko swi nga humeleli eka lembe ro sungula, lembe leri ri tlhandlamaka ri tava ra hlori lerikulu, hikuva a kuri malembe mambirhi hi vukhale. Nakona u thopile malembe lawaya, tani hiloko a dyuhala, nakona mmiri wa yena wu file. Swivelekelo swa Sarah, xivelekelo, kumbe a xi (kumeka) nga ha nonanga. Swingaleswi ntamu wa yena a wu fambile, nakona a kuri hava...Kahle-kahle a swi koteki.

²⁶ Mi kale mi swi ehleketa leswi Xikwembu xi nga swi endla lahaya? Ma vona, a Xi kalanga xi swi endla ngopfu ntsena tani hilaha xi endleke xivelekelo xi nona. Hikuva, tsundzukani, loko Xi swi endlile sweswo, kutani tsundzukani loko Xi swi endlile sweswo...a va ngari na rona rihanyu lero na mabodlela ya nsivela-mavabyi, emasikwini ya vona, ku ma nyika n'wana, masi yo huma ehon'wini. Ma vona? Nakambe a xi fanela ku... Tinsinga ta yena ta mafi a ti omile. Swingaleswi a Xi—Xi nga tava na...A ku fanele kuva na swin'wana swi humelelaka.

²⁷ Kutani, langutani wansati, wa dzana ra malembe hi vukhale, ku ya eka switlhavi swa mbeleko. Mbilu ya yena a yi tava yi nga swi yimelanga. Swa tika sweswi eka wansati, wa malembe ya mune wa makume, ku swi endla. Mbilu ya yena a yi tava yi nga swi yimelanga. Swingaleswi ma swi tiva leswi Xi nga swi endla? Loko mi nga xiyisia...

²⁸ Sweswi ndza swi tiva leswaku votala swi nga ha endleka va kaneta. Loko hi leswaku leswi swi lulamile ku endla xitatimente lexi? Ma vona, ndzi...Ku nga hava ku ri ku tiehleketelela loku ku nga eka mina.

²⁹ Ma vona, Bibebe i Buku leyi yi nga ehenhla ka ntumbuluko. Yi tsariwile leswaku yi va yi tumbetiwile eka swikolo, va ntivo-vukhongeri. I vangani lava va swi tivaka sweswo? Yesu u khensile Xikwembu. U te, “Ndza Ku khensa, Tatana, Wena u nga Ri fihla eka lavo tlhariha na lavo vonela emahlweni, nakona Ri paluxiwa eka vana vo kotisa lava va nga ta dyondza.” Yi Buku ya rirhandzu. Loko rirhandzu ra Xikwembu ri ta embilwini, kutani u nghena erirhandzwini na Xikwembu, kutani Xi tipaluxa hi Xoxe, nhlamuselo ya Bibebe. Ku toloka ka Bibebe i Xikwembu hi Xoxe xi tolokaka switshembhiso swa Xona. Kambe, Bibebe, Yi tsariwile exikarhi ka mintila.

³⁰ Sweswi, kukotisa nsati wa mina, oho, hi yena wansati wa kahle ngopfu eka misava hinkwayo, nakona ndza n’wi rhandza hakunene. Na yena wa ndzi rhandza. Swingaleswi loko ndzi ri ekule na le kaya, u ta ndzi tsalela papila, a ku, “Eka Bill, yusiku lebyi ndzi etlerise vana. Ndzi hlantswile namuntlha,” na hinkwaswo leswi a nga swi endla, na swin’wana. Sweswi u le ku vuleni ka sweswo eka papila. Kambe, ma swi vona, ndzi n’wi rhandza ngopfu, nakona hi xitalo hi va hi ri un’we, ku fikela laha ndzi—ndzi hlayaka exikarhi ka mintila. Ndzi tiva na leswi a lavaka ku swi vula, ma vona, hambi wa ndzi byela sweswo kumbe a nga ndzi byeli, wa vona. Ndzi—ndzi tiva leswi a swi vulaka, hikuva i rirhandzu ra mina eka yena, na ku twisisa ka mina.

³¹ Kunene, yaleyo hi yona ndlela leyi Bibebe yi nga tsarisiwa xiswona. Ma vona? Va—va dyondzo ya le henhla va ta kongoma va ya ehenhla ka yona; va ngaka va nga yi kumi. Ma vona, u ta fanela ku rhandzana na Rito, Yena, “ku tiva Yena.” Ma vona?

³² Sweswi, sweswi lahawani, langutani leswi Yena a swi endleke. Sweswi Abraham na Sarah havumbirhi a va dyuharile, “a va biwile,” Bibebe yi vule tano. Sweswi a ku ngari leswaku hikuva ntsena a vari vanhu ntsena lava va nga hanya nkarhi wo leha lahaya. Bibebe yi vule leswaku, “A va biwile eka malembe.”

³³ Sweswi xiyisisani, xikan’we-kan’we-loko Ntsumi leyi yi tava yi humelerile, leyi a hi ri karhi hi vulavula hi yona; leyi a yi ri Elohim, Xikwembu. Nakona Xi te, xi byela Abraham, “Ndzi ta ku endzela hi ku famba ka nkarhi wa vutomi.” Sweswi langutani hinkwako ku ya ehansi, a va ri xifananiso xa Kereke, ku sukela kwale.

³⁴ Sweswi langutani. Lahawani hi leswi leswi swi nga humelela. Sweswi, a Xi lo phencha Sarah ntsena, nakona Xi phencha Abraham. Xi lo va jikisela endzhaku ku ya eka jaha na wansati. Sweswi sweswo swi nga hava swi tikomba swi chavisa, kambe sweswi langutisani Rito hinkwaro, nakona mi ri veka kun’we. Rito ri huhuteriwile, nakona mi ta fanela kuva mi huhuteriwile hi Rito. Sweswi, tsundzukani, xikan’we-kan’we endzhaku ka sweswo, xikan’we-kan’we endzhaku ka ku humelela ka Ntsumi leyi . . .

³⁵ Ntsena ndzi nga ha swi vona sweswo, misisi ya leyo ya timpfi ya Sarah, kokwana lontsongo na thawula ekatleni ra yena, na xidlokonyana xa ritshuri, a khomelerile nhonga, a ri karhi a jika-jika. “Mina, ndzi va na ku tsaka na hosi ya mina, kuveni u dyuharile, na yena?” Ma vona? Nakona hi loyi Abraham, na malebvu lawa yo leha, a khomelerile nhonga, tani hilaha a ri hakona, a biwile eka malembe.

³⁶ Nakona ndza swi vona, mixo lowu wu landzelaka, makatla ya yena ya sungula ku ololoka, lunda ri suka enhlanini wa yena. Misisi ya yena yi sungula ku ncinka. Va tlhelerile endzhaku ka jaha na wansati. Ntsena ku kombisa leswi Xi yaka eku swi endleni eka Mbewu ya Vuhosi ya Abraham, ma vona, loko hi “ncinciwa hi xinkadyana, hi ku copeta ka tihlo, nakona hi tlhandlukisiwa kun’we.”

³⁷ Hlalelani leswi nga humeleta. Sweswi mi nge ndzi mi khorwissa eka leswi. Sweswi va tekile rendzo ku suka eka ndhawu ley i a vari eka yona, kwalahaya a Gomorrah; kutani va ya va kongoma eGerar, ehansi etikweni ra Vafilista. Mi kale mi swi xiyisia xana? Swi fungheni eka mepe, leswaku i kule njhani. I rendzo ro leha eka vatekani va swidyuhati va malembe yalawa.

³⁸ Nakona, handle ka sweswo, eka—eka tiko ra Vafilista lahaya, a kuri na hosi leyintsongo hi vito ra Abimeleke, nakona a ri eku laveni ka nsati. Nakona a ri na vona vanhwenyani lavaya hinkwavo vo saseka, kambe loko a tava a vonile kokwani wa xisati, u te, “U sasekile ku va u n’wi languta,” kutani a n’wi rhandza nakona a lava ku n’wi teka. Hi swona sweswo. Ahaa. Ma vona, a sasekile. Ma vona?

³⁹ A ncincile a tlhelela endzhaku eka nhwana. Xiyisisani, a fanerile kuva tano, kuva a tisa n’wana yaloye. Xikwembu xi n’wi endle a va xivumbiwa lexintshwa. Nakona a fanerile, ku ta kurisa n’wana loyi. Nakona tsundzukani, Abraham, “mmiri wa yena a wu ri kahle tani hiloko wu file,” nakona Sarah u file loko Abraham a ri . . . Isaka a ri na makume mune-ntlhanu wa malembe hi vukhale, ndza pfumela, loko Sarah a ta fa. Nakona Abraham u tekile wansati un’wana kutani a va na majaha ma nkombo handle ka vanhwenyani, endzhaku ka sweswo. Amen.

⁴⁰ Ma vona, ku hlaya exikarhi ka mintila. I xifananiso. Swa kombisa lahaya leswi Xi yaka eku swi endleni eka Vana hinkwavo va Abraham. Ntsena hi le ku swi tshuneleleni sweswi, swingaleswi makatla ya hina yo voyama na hinkwaswo a swi kali swi endla ku hambana, vanghana. Na timpfi ta hina na hambi ku ngava yini, a swi na mhaka sweswi. A hi languti endzhaku. A hi languteni emahlweni eka leswi hi taka eka swona.

⁴¹ Nakona tsundzukani, xikombiso lexi hi xi vonaka, a xi ri xikombiso xo hetelela lexi Abraham na Sarah wa yena va nga xi vona, ku nga se fika n’wana wa xitshembhiso a humeleta a va kona. Hi pfumela leswaku hi le ka awara ya leyo.

⁴² Mupatriaka, endzhaku ka loko mufana loyi a tswariwile... Mi nga ha n'wi anakanya Isaka, kwalomu ka khume mbirhi wa malembe hi vukhale; wo rhandzeka lontsongo, jaha ra misisi yo songa-songana, wa swimahlwana swa buraweni? Ndzi nga ha swi anakanya hilaha manana yaloye a ti twisa xiswona; nhwana wo saseka, nakona swingaleswi, na tatana wa yena. Nakona siku rin'wana, Xikwembu xi te, sweswi, xikombiso; hi humile swinene, awara yi ta ta. "Ndzi ku endlile tatana wa matiko, ha jaha leri, kambe Ndzi ku lava u teka jaha leri u gonya na rona entshaveni leyi Ndzi nga ta ku komba yona, nakona Ndzi ku lava u n'wi dlayela kwalahaya, leswaku a va gandzelo." Mi nga ha swi anakanya sweswo?

⁴³ Sweswi a mi komberiwanga leswaku mi ya eka xikambelwani hi ndlela yaleyo. A xa ha swi endlili sweswo sweswi. Sweswo a swi ri swikombiso, mindzhuti.

⁴⁴ Xana Abraham a chava? Ee, nkulukumba. Abraham u vule leswi, "Ndzi khorwisiwile hi ku hetiseka leswaku Xa swi kota ku n'wi pfuxa ekufeni, hikuva ndzi n'wi amukerile tani hi un'wana loyi a humaka ekufeni. Nakona loko ku lerisa kwaloko ka Xikwembu ku ndzi byerile ku endlile leswi, nakona ndzi tshamile na ntiyiso eka swona, nakona ku hakerile, kuva ku ndzi nyikile n'wana; Xikwembu xa swi kota ku n'wi pfuxa ekufeni; ku sukela laha Ndzi n'wi amukeleke, tani hi xivumbeko."

⁴⁵ Oho, mina, munghana! Loko Xikwembu xi mi nyika Moya lowo Kwetsima n'wina Mapentekosta, mi vulavula hi tindzimi, hi swihi swin'wana swotala leswi mi faneleke ku pfumela matimba ya Xona yo horisa, nakona vukahle bya Xona na nsovo! Loko Xi swi endlile sweswo, ku lwisana na hinkwavo va ntivo-vukhongeri etikweni! Va te swi ngaka swi nga endlili, kambe Xikwembu xi swi endlile hikuva Xi swi tshehbhisile. Kutani yimani hi Xibamu xa n'wina, ku nga Rito ra n'wina, Tlharhi ra n'wina, pfumelani Rito ra Xikwembu. Xikwembu xi vule tano, nakona sweswo swa swi tshamisisa!

⁴⁶ Xiyisisani, sweswi, u tekile rendzo ra masiku manharhu ku suka kwalahaya, na timeyila. Sweswi ndzi nga famba, loko ndzi ri karhi ndzi valanga, ndzi fambe makume nharhu wa timayilli masiku hinkwawo, emananga; kutani ku kondza hi heleriwa hi gasoline, hi mavulavulelo ya lawa. Kambe vavanuna va kona, ndlela yin'we ntsena ya vutleketli bya vona, ku nga hava kuri ku famba hi donki kumbe—kumbe ku famba kunene. Nakona u fambile rhendzo ra masiku manharhu kusukela laha a ri kona, kutani a tlakusela mahlo ya yena ehenhla, a ri emananga, kutani a vona ntshava a hari ekule.

⁴⁷ U tekile Isaka a n'wi boha mavoko ya yena. Laha, hinkwerhu ha switiva, eka Genesa 22 lahwani, i xifananiso xa Kreste. U n'wi yisile ehenhla ka ntshava, a bohiwile, kukotisa Yesu loko

a yisiwa entshaveni, eNtshaveni ya Khalvhari; xifananiso xa Xikwembu loko xi nyika N'wana wa Xona, hakunene.

⁴⁸ Kambe loko va tava va fikile kwalahaya, nakona a yingisile, Isaka a sungula kuva na maenddleo yo ehleketelela. A ku, "Tatana, hi leti tihunyi, hi leyi altari, hi lowu ndzilo, kambe xitlhavelo xi kwihi?"

⁴⁹ Kutani Abraham, loyi a swi tiva emiehlekeweni ya yena, hambi leswi Rito ra Xikwembu a ri yimile ehandle lahaya, u te, "N'wananga, Xikwembu xa swi kota kuva xi tinyika hi Xoxe xitlhavelo." U thyile ndzhawu leswaku i, "Yehovha-Yire."

⁵⁰ Kutani loko a tava a bohile n'wana wa yena, u yingisile ku ya erifini; a n'wi tlhandleka ehenhla ka altari, a humesa mukwana enkotloteni, kutani a sungula ku teka vutomi bya n'wana loyi a nga wa yena. Nakona, loko a tava a swi endlile, Swin'wana swi khomile voko ra yena, swi ku, "Abraham, yimisa voko ra wena."

⁵¹ Nakona hi nkarhi walowo, nyimpfu ya xinuna yi ririle, endzhaku ka yena, na timhondzo ta yona leti phasiweke emananga.

⁵² Mi kale mi ehleketa, leswaku nyimpfu liya ya xinuna a yi huma kwihi? Tsundzukani, tiko a ri tele hi tinghala na mahlolwa na timhungubye, na swivandzani sweswo swo dya tinyimpfu. Nakona a ri ekule na nhluvuko ku fika kwihi? Nakona, kutani, ehenhla ka ntshava, laha ku nga riki na mati. Nakona u rhwalerile maribye, hinkwako, yo endla altari. Xana nyimpfu liya a yi ta yi huma kwihi? Ma vona?

⁵³ Kambe a xi ngari xivono. U yi dlayile nyimpfu; a yi ri na ngati. Xana u te yini? "Xikwembu xa swi kota kuva xi titisela xitlhavelo hi Xoxe."

⁵⁴ Xana u ta huma njhani eka xitulu xexo? Xana n'wana *luya* a nga limala u ta hola njhani, kumbe *wena* eka xitulu xexo, *wena* ku suka lahaya, *wena* u karhatiwaka hi mbilu? Hambi ku ngava kuri yini xiphijo, "Xikwembu xa swi kota ku titisela xona hi Xoxe."

⁵⁵ Abraham a swi pfumela. Mupatriaka a tshama na ntiyiso eka xitshembhiso. Nakona Xi nyika xitshembhiso, leswaku, "Mbewu ya wena! Hikuva u pfumerile Rito ra Mina, nakona swi ngari na mhaka ni swiyimo, mbewu ya wena yi ta fuma nyangwa wa nala."

⁵⁶ Hikokwalaho ka yini? Nala un'wana na un'wana loyi a taka, tani hi xivumbeko, ku lwisana na Abraham, Abra-... Nala wa, "Wansati u dyuhale ngopfu. Ndzi dyuhale ngopfu. Hinkwaswo *leswi*, na leswin'wana hinkwaswo." A ha tshama a lulamile na ntiyiso eka xitshembhiso xexo.

⁵⁷ Sweswi, munhu loyi a nga khoma ripfumelo lero, hambiswiritano u ta teka Rito ra Xikwembu swi ngari na mhaka leswaku ku na swiyimo swa njhani. Sweswi, loko u nga swi endli

sweswo, kutani a wu Mbewu ya Abraham. Rero i ri pfumelo leri Abraham a ri na rona, Mbewu ya yena.

⁵⁸ Xitshembhiso xa Abraham a kuri leswaku “Mbewu” ya yena, sweswi Mbewu ya yena ya vuhos, na yona, tani hilaha ndzi nga mi byela xinkadyana lexi nga hundza. Nakona xilemo lexi Xi nga xi nyika Abraham, a xi ri xilemo xa xitshembhiso. Nakona Mbewu ya vuhos, ku ya hi Vaefesa 4:30, yi “lemeriwile hi Moya lowo Kwetsima,” endzhaku ka loko va tava va yimerile xikambelwani. Ringetani ku ehleketa hi swona.

⁵⁹ Votala va ehleketa leswaku va na Moya lowo Kwetsima. Votala va koxa kuva na Moya lowo Kwetsima. Votala va nga komba vumbhoni byo tala na Swikombiso swa byona. Kambe, hambiswiritano, loko byi nga yimi na Rito leri, a hi byona Moya lowo Kwetsima. Ma vona?

⁶⁰ U pfumela Rito rin’wana na rin’wana, kutani u lemeriwile endzhaku ka xikambelwani. Loko hi pfumela xitshembhiso xin’wana na xin’wana eRitweni, kutani hi lemeriwile hi Moya, ku ta tiyisisa xitshembhiso. Sweswo hi leswi, hi leswi Abraham, hi ndlela leyi a nga endla ha kona. Kutani, nakona ntsena, hi na mfanelo yo fuma nyangwa wa nala wa hina. A wu nge swikoti ku swi endla ku kondza u rhanga u va Mbewu yaleyo. Tsundzukani, eBibeleni . . .

⁶¹ Ndzi vulavurile hi swona, aHouston kumbe kun’wana, wun’wana . . . kumbe, ndzi vula Dallas. *Mfungho*.

⁶² Ma vona, e—e Muyuda a nga ha komba, ehansi eIsrael, leswaku a ri Muyuda hi ku yimba. Kambe Xikwembu xi te, “Loko Ndzi vona ngati! Nakona ngati yi tava mfungho eka n’wina.”

⁶³ Vutomi lebyi a byi ri eka ngati a byi nga taya eka mugandzeri, hikuva, kunene, a byi ri vutomi bya xiharhi, a kova ndzhuti ntsena lowu a wu ta eka Vutomi bya ntiyiso. Kutani, khemisi, ngati hi yoxe, a yi fanele ku tshwuka ehenhla ka nyangwa nale ka timhandzi ta rivanti.

⁶⁴ Yi totiwile hi hisopa, laha ntsena ku nga mfava wa tolovel, ku kombisa leswaku a wu fanelanga kuva na ripfumelo rin’wana ra le henhla. U fanele ntsena u va na leri ri fanaka, ripfumelo leri u nga na rona, kukotisa loko u lava ku pfumisa movha, u ta ekerekeni. Ma vona? Vanhu votala va ehleketa leswaku va fanele kuva swin’wana . . . Kambe, ee, ee, sweswo swi hoxekile. Ntsena ripfumelo ra ntolovel hi rona hinkwaro leri u fanelaka ku tota Ngati ha rona. Yingisa Rito, na ku pfumela Rito, u Ri tota, hi swona hinkwaswo. Ntsena tsuvulela mfava kun’wana na kun’wana ePalestina, a kuri hisopa, ntsena mfavanyana wuntsongo lowu nga mila laha ku pandzekeke emakhumbhini, na hinkwako, yi petiwa eka ngati ya vona kutani va yi tota eka rimba nale ka timhandzi ta minyngwa.

⁶⁵ Nakona, tsundzukani, a ndzi na mhaka leswaku va vile eka ntwanano nkarhi wo tani hi kwihi, leswaku Muyuda a nga kombisa nkarhi wo tani hi kwihi leswaku u yimbile, leswaku a ri munhu wa kahle njhani, mintwanano hinkwayo a yi nga tirhi handle ka—ka loko mfungho wuri kona. “Loko ndzi vona ngati,” ntsena.

⁶⁶ Sweswi, Ngati sweswi, yi nga Mfungho, a hi yona khemistri, khemistri ya Ngati ya Kreste, hikuva Yi halakile magidi wa malembe lawa ya nga hundza.

⁶⁷ Kambe, ma swi vona, laha... ku fanele kuva na khemistri lahaya, vutomi lebyi nga endzeni ka xiharhi a byi nga ta ta ehenhleni ka munhu, hikuva vutomi bya xiharhi a byi na munhu wale ndzeni. Xiharhi a xi tivi swa kahle eka swo hoxeka. I xivumbiwa xa ximunhu ntsena lexi xi nga na munhu wale ndzeni.

⁶⁸ Sweswi, kambe loko Yesu, N'wana wa Xikwembu, loyi a nga tswariwa hi ntombhi, a halatile Ngati ya Yena, Vutomi lebyi a byi ri endzeni ka Ngati yaleyo a kuri Xikwembu hi Xoxe. Bibele yi te, “Hi ponisiwile hi Vutomi, ku nga Ngati ya Xikwembu.” Ku ngari ngati ya Muyuda, ku ngari ngati ya Wamatiko; kambe Vutomi bya Xikwembu. Xikwembu xi tumbuluxile sele leyi ya Ngati, a tswariwa hi ntombhi. A nga kalanga a tiva wanuna, hambi kuri kuva a... hambi kuri tandza leri a ri humanga eka yena.

⁶⁹ Ndza swi tiva leswaku votala va n'wina vanhu mi lava ku pfumela leswaku tandza ri swi endlile. Tandza ri ngaka ri ngavi kona lahaya kuri hava vutitwi, xana Xikwembu a xi ta endla yini kwalaho? Ma vona?

⁷⁰ Xi tumbuluxile havumbirhi tandza na sele ya Ngati, nakona sweswo a swi ri tabernakele ya Xikwembu, yo kwetsima. “Ndzi ngaka ndzi nga tshiki Loyi a Kwetsimaka wa Mina a vona ku bola.” Ma ku vona laha tandza ri humaka kona? “Naswona Ndzi ngaka ndzi nga tshiki moya wa Yena etiheleni.” Mmiri wa Yena a wu kwetsima! Oho, mina! A wu swi endli, a wu nge swi pfumeli sweswo, xana u tivitana njhani Mukreste?

⁷¹ “Hi ponisiwile hi Ngati ya Xikwembu.” Kwalaho hi laha ripfumelo ra mina ri nga kona. Ku ngari ku famba lahaya eka ngati ya muprofeta, ku ngari ku famba lahaya eka ngati ya munhu wa ntoloveloo, kumbe mudyondzisi, kumbe wa ntivo-vukhongeri. Hi famba lahaya eNgatini ya Xikwembu. Xikwembu xi vule tano. Xi vile xivumbiwa xa ximunhu. Xi ncincile ribuwa ra Xona. Xi tshangusa tende ra Xona lahwani, na hina, kutani xi va un'wana wa hina. Hi Xona Mukutsuri wa Xaka wa hina. A xi fanele kuva munhu wale kusuhi eka hina, hikuva walowo a wu ri nawu. Xikwembu xi hundzukile munhu xi tshama exikarhi ka hina.

⁷² Xiyisisani hilaha sweswo, hi ku endla leswi, Xi huma eka Xona, a xi ri Xikwembu, lexi nga Moya, nakona Moya walowo

wu va ehenhleni ka mupfumeri. Swingaleswi, Vutomi lebyi a byi ri eka Xitlhavelo xa hina, hi tiviwa hi Vutomi lebyi fanaka.

⁷³ Kutani va nga byi vona njhani Vutomi bya Xikwembu lebyi byi famba-fambaka exikarhi ka vanhu, nakona va Byi vitana nchumu lowu nga tengangiki, loko Byebyo byi ri vutitivisi bya hina bya Xitlhavelo xa hina? “Loyi a pfumelaka eka Mina, mintirho leyi Ndzi yi endlaka u ta yi endla na yena.” Vutomi bya Yena byi tlhelela ehenhleni ka xitlha...ku suka eka Xitlhavelo, tani hilaha hi tlhandlekaka mavoko ya hina ehenhleni ka Xona ni kuva hi ti xakahata hi hexe kuva hi file eka mianakanyo ya hina. Kutani xana hi nga yi pfumelerisa ku yini dinomineximi kuva yi hi susumetela eka mikhuva na swin’wana, nakona hi vula leswaku ha Xi pfumela? Hi file eka swilo sweswo.

⁷⁴ Paul u te, “Ku hava na xin’we xa swilo leswi xi ndzi karhataka,” hikuva a bohiwile eka ku hetiseka, Kreste. Kutani vuhumeleri byin’wana na byin’wana bya ntiiyiso byi bohiwile eka ku hetiseka, nakona ku hetiseka ka mina i Rito. Nakona munhu un’wana na un’wana i, loyi—loyi hakunene a nga tswariwa hi Moya, ku hetiseka ka vona i Rito ra Xikwembu. Ndzi bohiwile eka Rona. Ndzi tlhandlekile mavoko ya mina ehenhleni ka Rona. Nakona Ri teke ndhawu ya mina, nakona ndzi ti xakahatile hi ndzexe na Yena. A hi swi tiva leswaku U tshembhisile ku ti Xakahata hi Yexe na hina. Sweswo swi tisa ripfumelo xidzi; ku ngari ripfumelo leri ri nga ra wena, kambe ripfumelo ra Yena; swin’wana leswi u nga swi lawuriki. Xa swi endla. Sweswi xiyisisani. Kutani, nakona ntsena, loko... i xitshebbiso lexi nga endleriwela n’wina.

⁷⁵ Swi nga khathaleki leswaku u tihlanganisile na tikereke tingani, u khuvuriwile kangani; xikandza xi langutile emahlweni, endzhaku, ndlala yihi na yihi u yi lavaka. Ku fikela laha Xilemo xexo xi vekiwaka ehenhleni ka wena, kutani a wu na mfanelo yo tivitana muhlanganisiwa na Xitlhavelo xa wena.

⁷⁶ Nakona i ncini Xilemo xa Xikwembu? Vaefesa 4:30, yi ri, “Mi nga khomisi Moya lowo Kwetsima wa Xikwembu etingana, lowu mi lemeriweke hi wona ku fikela Siku ra ku kutsuriwa ka n’wina.” Ku ngari ku suka eka mpfuxelelo wun’wana kuya eka wun’wana, kambe ku lemeriwela Makumu ku kondza Siku leri u kutsuriwaka endzhaku.

⁷⁷ Nakona, tsundzukani, loko u nga se tshama u va eka mianakanyo ya Xikwembu, a wu nge pfuki u vile na Xikwembu. I vangani lava va swi tivaka leswaku A ri Mukutsuri? [Nhlengelatano yi ku, “Amen.”—Muhleri.] Kunene, kutani, swin’wana na swin’wana leswi swi nga kutsuriwa swi ta fanela ku tlhelela endzhaku laha swi nga wa swi ri kona. Swingaleswi loko A ta ata hi kutsula, swi ngava njhani hina, loko nkarhi wun’wana a hi nga fanelanga ku kutsuriwa, nakona hinkwerhu

“hi tswaleriwe eku hombolokeni, hi vumbiwa evubihini, hi ta emisaveni hi ri karhi hi vulavula vunwa”? Swi kombisa leswaku Mukreste wa xiviri i xihlawulekiso xa ku ehleketa ka Xikwembu, loko misava yi nga seva kona, kumbe nyeleti, kumbe moya, kumbe swin’wana na swin’wana. Xi hilaha ku nga Heriki, nakona Xi tile ku ta hi kutsula hi tlhelela endzhaku. I mianakanyo ya Xikwembu, yi nga vuriwa yi va rito, yi vonakarisiwa na- . . . ku tlhelerisiwa endzhaku eka mianakanyo ya Xona.

⁷⁸ Mukutsuri wa Xaka! Hi xona xivangelo xa kuva Xikwembu hi Xoxe xi faneleke kuva un’we wa hina, ku ta kutsula. Ku ri hava xin’wana xi nga swi endlaka. Ntsumi a yi nga ta swi endla, ku ri hava xin’wana. A xi fanele ku enhlela ehansi, xi fika xi ringiwa kukotisa hina, leswaku xi ta hi kutsula.

⁷⁹ Xiyisisani sweswi mbewu ya ntumbuluko ya Abraham. A hi kambeni yin’wana ya mbewu leyi ya ntumbuluko, kutani hi vona loko Xikwembu xi hlayisa Rito ra Xona na mbewu ya ntumbuluko, leyi a kuri Isaka. A hi kambeni yin’wana ya mbewu ya ntumbuluko leyi a yi pfumela xitshembhiso lexi hetisekeke xa Xikwembu nakona va ngari na xivutiso. Sweswi tsundzukani, a kuri na magidi ya makume ku andzisa hi magidi ya lava va nga yimbisiwa na hinkwaswo, nakona hambiswiritano a va ngari Mbewu ya Abraham. Hakunene, “Loyi a nga Muyuda ehandle a ngari Muyuda; loyi a nga Muyuda endzeni.” Vona, votala va vona, va hlulekile, va hlulekile ku vava.

⁸⁰ Langutani, emananga, va te, “Hina . . .” Siku ra Paseka, kumbe eku nwени exihlobyeni, Mukwetsimi Yohana 6. Hinkwavo a vari eku tsakeni.

⁸¹ Yesu u te, “Hi mina Ribye leri a ri ri emananga. Ndzi Xinkwa lexi xi humaka eka Xikwembu, xi humaka eMatilweni, loko munhu a nga dya nakona a ngaka a nga fi.”

⁸² Va te, “Vatata wa hina va dyile mana emananga, ku ringana mune wa makume wa malembe.”

U te, “Nakona va tano, un’wana na un’wana wa vona, u file.”

⁸³ *Ku fa*, teka rito lero u ri fambisa, u vona leswi ri swi vulaka, “Ku hambanyiseriwela makumu.” Hambiswiritano, a va ri mbewu ya Abraham. *Rifu* swi vula “ku hambanyisiwa, ku herisiwa, ku heriseriwela makumu, ku herisiwa.” Yesu u te va file, un’wana na un’wana wa vona, hambi leswi a va ri Vayuda lava va yimbeke.

⁸⁴ Ma vona, vanhu va vusiwana, ntsena hikuva hi ri Mamethodist, Mabaptist, Mapresbyterian, hi va na ku tivula swintsongo vudyoho, na swin’wana swo kotisa sweswo; javulosi ntsena na yena wa pfumela swinene tani hilaha hi swi endlaka.

⁸⁵ Kambe mi ta fanela ku ti xakahata na Rona. Xikwembu xi ta fanela ku Ri mbhoniyela eka swona, hi ku lemela Moya lowo Kwetsima. Ku hava xivutiso xa Rito!

⁸⁶ Loko mi ku, “Kunene, sweswi, sweswo a swi ri swa siku rin’wana,” ku na swin’wana swi nga hoxeka.

⁸⁷ Ku nga humelela yini loko munhu a ta hi ku tsutsuma, nakona mi n’wi byerile leswaku rivoni ri voningile, a tsutsumela ehansi ekamareni ra le hansi, a ku, “Ntsena ndza swi ala. Ntsena ndza swi ala. Ku hava swo kotisa rivoni. A ndzi swi pfumeli?” Ku nga hava kuri na swin’wana swi nga hoxeka hi munhu yaloye. A nga hava a nga tsakanga emiehlekeweni. Loko a alana na minseve ya rona na xihlovo xa rona lexi nyikaka vutomi, ku na swin’wana swi nga hoxeka hi yena, emiehlekeweni.

⁸⁸ Kutani loko munhu a vona Rito ra Xikwembu, ri endliwa ri va erivaleni emahlweni ka yena, na ku tivisiwa, nakona a pfala na ku kokela ehansi makhethenisi ya yena ya xidinominexini, ku na swin’wana swi nga hoxeka hi munhu yaloye, hi ximoya. Swin’wana swi hoxekile hi yena. Ku na swin’wana swi nga hoxeka hi ximoya. Ntsena a ngaka a nga Ri amukeli. “U bofu, nakona a nga swi tivi,” u ya emahlweni eku avanyisiweni, nakona Xikwembu xi tava Muavanyisi.

⁸⁹ Xiyisisani loko va—va ta va va swi endlile leswi, nakona timbewu leti sweswi leti ti nga Ri pfumela, langutisani leswi swi nga humelela. A hi kambeni tin’wana ta tona sweswi, mbewu ya Abraham.

⁹⁰ A hi tekeni vana va Vaheveru, hikuva a va yima hi ntifyiso nakona a va nga pfumelelani na ku gandzela swifaniso. Va arile ku khinsamela xifaniso lexi hosi ya tiko yi nga xi endla. A xi endlive endzhaku ka munhu wo kwetsima, na yena, xifaniso xa Daniel.

⁹¹ Swi kombeta leswaku rixaka ra Vamatiko a ri nghenisiwile eka tlhelo ra yunwa, ra ku gandzela xifaniso xa munhu wo kwetsima. Swi huma hi ndlela yin’we, laha vanhu va nga ta sindzisiwa ku gandzela swifaniso swa vanhu. Swi nghena hi nhlavutelo, wa Daniel kuva a kotile ku toloka Rito, leri ri nga tsariwa hi voko ekhumbhini. Yaleyio hi yona ndlela leyi swi nga nghenisa xiswona, nakona ya ha ri ndlela leyi swi humisaka xiswona, hi ndlela yo fana, ya xifaniso xa Vamatiko.

⁹² Xiyisisani, va arile ku swi endla. Nakona xana va endlile yini? A vari mbewu ya Abraham leyi yi nga yima hi ntifyiso eka Rito, nakona va fumile nyangwa wa nala, wa ndzilo. Va swi endlile. Kunene, Rito ra Xikwembu ri ntifyiso.

⁹³ Daniel, u kamberiwile hikokwalaho ka ku gandzela ka Xikwembu xin’we xa ntifyiso. U kamberiwile hikokwalaho ka sweswo. Nakona hi nkarhi wo ringa, u yimerile xikambelwana. Nakona Xikwembu xi endlile yini, endzhaku ka loko swi languteke tani hi swipetlu leswi a swi ri ehansi eka yena, tani

hilaha hi nga vulaka hakona? Nakona a va swi tivanga leswi va nga swi endlaka. A va ya eku n'wi phameleni eka nghala. Kambe Daniel a tshama a tshembhekile eka xikambelwani, leswaku ku na Xikwembu xin'we xa ntiyiso, nakona u fumile nyangwa wa nala wa yena. Xikwembu xi pfarile nomo wa nghala.

⁹⁴ Muxe u tshame a ri na ntuyiso eka Rito ra xitssembhiso, emahlweni ka vaencenyeti, Yambre na Yanne, eka xikambelwani. Langutani, Xikwembu xi hlanganile na yena, xi ri ehenhla ka ntumbuluko, xi n'wi byela ku ya a ya endla swilo leswi, a kombisa swikombiso leswi, nakona xikombiso xin'wana na xin'wana a xi ta va na rito. Muxe u rhelerile ehansi, ntsena a ri ntuyiso tani hilaha a swi tivaka. U hoxile nhonga ehansi, nakona yi ncincela eka nyoka. Ma swi tiva leswaku ku humelerile yini? Hi lava vaencenyeti va taka va fika va endla swo fana.

⁹⁵ Sweswi, Muxe a nga kalanga a yimisa mavoko ya yena, a ku, "Kunene, ndza ntshembha leswaku hinkwawo ya hoxekile." U tshamile kwalahaya a rindzela Xikwembu. U tshame na ntuyiso. Swi ngari na mhaka leswaku a vari vaencenyeti vangani lava a va ri kwalahaya, u tshame na ntuyiso. Nakona loko a tshame na ntuyiso eka ku lerisiwa ka yena, ku humesa vanhu eka ndhawu yaleyo, loko nyangwa wa mati wu ta n'wi pfalela ndlela, Xikwembu xi n'wi pfumelerile ku wu fuma, nakona u pfurile nyangwa hi Langavi ra Ndzilo leri a ri n'wi rhangerile. U tekile vanhu a va yisa etikweni ra xitssembhiso.

⁹⁶ Yoxuwa, murhangeri un'wana lonkulu. Vambilirhi ntsena eka... lava va nga nghena eka tiko ra xitssembhiso, Yoxuwa na Kaleb. Va fikile endhawini leyi yi vuriwaka Kadesh, leyi a kuri exikarhi ka misava hi nkarhi walowo, hi vunyingi laha ku nga xitshamo xo avanyisa. Nakona, oho, va rhumerile tinhlori ta khume mbirhi ku ya valanga tiko, nakona khume mbirhi wa vona va vuyile.

⁹⁷ Khume ra vona va te, "Oho, i ntirho wu kulukumba ngopfu. Ntsena a hi nga ta swikota. Kunene, vanhu va kona, hi languteka kukotisa tinjiya etlhelo ka vona."

⁹⁸ Kambe Yoxuwa xana u endlile yini? U miyetile vanhu. A ku, "Yimani nyana. Hi swikota hi ku tlurisisa ku ri teka, swi ngari na mhaka leswaku hi vantsongo ku fika kwihi, kumbe hi nhlayo yo tani hi kwihi eka lavantsongo." Xana a endla yini? A yime a tshembheka eka xitssembhiso xexo, "Ndzi ku nyika tiko leri," kambe wa lwa eka inci yin'wana na yin'wana ya rona.

⁹⁹ Ma swi pfumela sweswo, manana? Xikwembu xi mi nyikile ku horisiwa ka n'wina, kambe mi ta lwelwa inci yin'wana na yin'wana ya kona. "Kun'wana na kun'wana laha minkondzo ya milenge ya n'wina yi kandziyaka kona, leswaku Ndzi mi nyika tani hi rifuwo." *Gandlazo wa nkondzo swi vula "ri fuwo."* Hinkwaswo i swa n'wina, xitssembhiso xin'wana na xin'wana

i xa n'wina, kambe mi ta lwela inci yin'wana na yin'wana ya ndlela yo nghena sweswi.

¹⁰⁰ Sweswi, Yoxuwa a tiva leswi swi nga vula hi Xikwembu. A ri mbewu ya Abraham. Ma vona? U te, “Ndza pfumela leswaku, leswaku Xikwembu xi hi nyike tiko, nakona hi swikota hi ku tlurisia ku ri teka.” Nakona hikuva a yimerile xikambelwani, ku lwisana na ntlawwa hinkwawo wa Vaisrael, tinyimba hinkwato na hinkwawo vanhu va konyile na ku rila. Yoxuwa u te, “Tshamisekani! Xikwembu xi endlile xitshembhiso.”

¹⁰¹ Swi ngari na mhaka na leswaku mi kurise ku yini, na ku milwetani i yini, na leswi dokodela a nga swi vula, Xikwembu xi nyikile xitshembhiso. Swi le ka Xikwembu ku swi endla.

¹⁰² Xana u endlile yini? Loko a ta ehansi enambyeni wa Yordan, u fumile nyangwa. Sweswo hi leswi yena—yena a nga swi endla.

¹⁰³ Yerikho, ri pfala kukotisa xiboze eka xikhumba xa xona. Xana u endlile yini? U fumile nyangwa.

¹⁰⁴ Hambi ku ri siku rin'wana loko nala a ri eku ringeten i ka ku n'wi teka, u fumile nyangwa wa nala wa yena swonghasi laha a nga lerisa dyambu leswaku ri yima ri nga fambi. Nakona dyambu ri n'wi yingisile, nakona a ri kalanga ri jika ku ringana tiawara ta makume mbirh-mune.

¹⁰⁵ Xikwembu xi tshembhekile eka xitshembhiso xa Xona, swi ngari na mhaka leswaku Xi fanele ku endla yini; Xi nga siya matilo ma ri hava nchumu loko Xi nga se pfumelela Rito ra Xona leswaku ri ya hluriwa. A xi se tshama xi endla xitshembhiso lexi Xi nga xi hlayisiki. “Ndzi Hosi leyi yi horisaka mavabyi ya wena hinkwawo. Loko va tlhandleka mavoko eka lava va vabyaka, va ta hlakarhela.” Amen. “Loko u nga pfumela ntsena, hinkwaswo swa koteka.”

¹⁰⁶ Yoxuwa a swi pfumela, hambileswi Xikwembu a xi fanele hi ku yimisa misava eka ku rhendzeleka ka yona. Xi yi khomile kwalahaya hi Matimba man'wana, matimba lawa ya nga ya Xona N'winyi; leswaku misava yi nga ha rhendzeleki ku ringana makume mbirhi-mune wa tiawara, ku kondza Yoxuwa a titlherisela hi yexe ehenhleni ka nala wa yena. U tekile minyangwa. Hakunene, u swi endlile. Xikwembu xi tshama xi ri ntiyiso.

¹⁰⁷ Sweswi ndzi navela loko a hi ri na nkarhi wo nghena eka tinenha to hlaya, kambe ndzi na kwalomu ka khume ra timinetse sweswi. Languta, hinkwato tinenha leti to hlawuleka, tani hilaha a vari ha kona, na valwi lavakulu va ripfumelo, hinkwawo va fele enyangweni wa rifu. Hinkwawo va lovisiwile, kona enyangweni wa rifu.

¹⁰⁸ Kutani ku landzela Mbewu ya vuhos i ya Abraham. Hinkwawo a va ri mbewu ya ntumbuluko, ku suka eka Isaka. Kambe lahawani ku ta Mbewu ya Vuhosi ya Abraham, ley i a yi

ri Kreste, Mbewu ya Abraham ya ripfumelo; leyи hi fanelaka ku va yona, ntsena langutani loko hi ri yona kumbe hi ngari yona. Mbewu ya ntumbuluko ntsena a yi ri xifananiso. Hinkwato letin'wana a ti tswariwile hi ku tswariwa ka ntumbuluko, kambe Yena u tile hi ku tswariwa ka ntombhi. Ma vona, yaloye a ngari wa mbewu ya Abraham, kutani, Muyuda. U tile hi mbewu ya ripfumelo ra xitshembhiso. Nakona, kutani, hi fanele ku va vana va Yena, hi Munhu loyi.

¹⁰⁹ Langutisani leswi Yena a nga swi endla. Loko Yena a ha ri emisaveni, U hlurile na ku fuma nyangwa wun'wana na wun'wana lowu nala a ri na wona; Mbewu ya Vuhosi. U swi tshembhisile hi Rito. U wu hlurile. U hlurile nyangwa wa mavabyi, eka hina. Sweswo hi leswi Yena a tela ku swi endla. Yena, tsundzukani, vanhu lava va vabyaka, U hlurile nyangwa walowo. Wena a wu fanelanga ku wu hlula; Yena u wu hlurile. Vanhu lavan'wana va fanele hi ku hlula minyangwa ya vona vinyi. Kambe wena a wu fanelanga ku yi hlula; i khale yi hluriwile. U hlurile minyangwa ya mavabyi. Nakona xana U endlile yini loko A ta hlula minyangwa ya mavabyi? A ri karhi a vula leswaku U ta swi endla... Hambi u nga kombela yini emisaveni, nakona hambi u nga boha yini emisaveni, U ta swi boha nale Tilweni, a hi nyika swikhiya swa nyangwa.

¹¹⁰ U hlurile nyangwa wa ndzingo, hi Rito. Nakona swikhiya a kuri leswaku, "Alela nala, nakona u ta ku balekela." U swi hlurile hinkwaswo; a hlula vuvabyi byin'wana na byin'wana.

¹¹¹ U hlurile rifu, a tlhela A hlula tihele. U hlurile rifu na tihele. U hlurile leswi van'wana a va nga ta swi hlula, hikuva i va mbewu ya ntumbuluko. Leyi i Mbewu ya ximoya. U hlurile nyangwa wa sirha, a tlhela a pfuka hi siku ra vunharhu, eka ku lulamisiwa ka hina.

¹¹² "Kutani sweswi hi vahluri hi ku tlurisia." Ntsena hi lo famba hi nghena eka swona, tani hi ndzhaka, "Vahluri hi ku tlurisia." Sweswi hi tirhana na nala loyi a nga hluriwa. Vuvabyi byi hluriwile. Rifu ri hluriwile. Tihele ti hluriwile. Hinkwaswo swi hluriwile. Oho, mina! Ndzi navela loko a ndzi ri hi kambirhi eka sayizi ya mina, sweswi kumbe ndzi titwa hakambirhi tani hi loko ndzi ri kahle. Hi kanetana na nala loyi a nga hluriwa.

¹¹³ A swi hlamarisi loko Paul a te, loko va ha aka bloko, yo n'wi tsemela nhloko kona, u te, "O rifu, ndzhombho wa wena wu le kwih? Ndzi kombi laha u nga ta ndzi endla ndzi tshombonyoka kumbe ku huwelela. Sirha, ku hlula ka wena ku le kwih, nakona u ehleketa leswaku u ta ndzi vumba ehandle lahaya? Ndzi ta ku kombokta eka rin'wana leri nga riki na nchumu lahaya; nakona ndzi le ndzeni ka Yena, U ta ndzi pfuxa hi siku ro hetelela." Nala loyi a nga hluriwa!

¹¹⁴ Mbewu ya vuhosи ya Abraham! Sweswi, mbewu ya ntumbuluko a yi nga ta kombokta eka Sweswo. Kambe Mbewu

ya Vuhosi yi nga ha hlula, i khale yi hlurile, hikuva U fambile emahlweni ka hina na ku hi hlulela nyangwa wun'wana na wun'wana. U kona sweswi, endzhaku ka magidi mbirhi wa malembe, U yimile exikarhi ka hina, Muhluri wa matimba. Ku ngari ntsena leswaku U hlurile vuvabyi... U hlurile vuvabyi. U hlurile mindzingo. U hlurile nala un'wana na un'wana. U hlurile rifu. U hlurile tihele. U hlurile sirha, a tlhela a pfuka nakambe. Nakona endzhaku ka magidi ya mbirhi ya malembe, lahawani Wa yima exikarhi ka hina, ndzhengha lowu, a ri karhi a titivisa hi Yexe, Muhluri wa matimba! Amen. Wa ha ri kona kwala, wa hanya, u tiyisisa xitshembhiso xa Yena, Mbewu ya Vuhosi ya Abraham! Oho, mina! Nakona nala u ta... .

¹¹⁵ “U ta hlula minyangwa ya nala wa yena.” Eka yona, Mbewu, U yimile kona kwala a ri karhi a hanya ku tiyisisa vuyena eka mani xana? Tona Timbewu leti nga rhanga tihlawuriwa leti ti nga ta swi vona. U swi hlurile sweswo. I mani, endzhaku ka ku kamberiwa ka yena, ka xitshembhiso xa Rito, a va lemeriwile hi Moya lowo Kwetsima, eka Mmiri wa Kreste, eka vona ku tiyisisiwile (yini?) Vaheveru 13:8 kuva tano. Va lemeriwile endzeni kwalahaya hi Moya lowo Kwetsima, Moya lowo Kwetsima lowu a wu ri hi... Abraham u rhange a swi vona; hi ripfumelo u swi pfumerile. Nakona sweswi ha Wu amukela, loko hi languta endzhaku eka xitshembhiso xa leswi Yena a nga swi vula. Nakona Yohana 14:12 yi endlive yi tiyisisiwa eka masiku lawa yo hetelela, hi Muhluri loyi a nga pfuka, hi Yexe.

¹¹⁶ Ku ngari mafambiselo man'wana; kambe Munhu, Kreste, Muhluri. Ku ngari kereke ya mina, ku ngari kereke ya mina ya Baptist, kumbe Presbyterian ya n'wina, Methodist, kumbe Mapentekostal, ku ngari ha teto; kambe ha Yesu Kreste. Wa hanya namuntlha. U pfukile eka sweswo, eka ku lulamisiwa ka hina.

¹¹⁷ Nakona hikuva Wa hanya, U vule leswaku na hina ha hanya. “Munhu a ngaka a nga hanyi hi xinkwa ntsena, kambe hi Rito rin'wana na rin'wana,” ku ngari xiphemu xa Rito, “Rito rin'wana na rin'wana leri ri humaka enon'weni wa Xikwembu.” “Hi Mina ku pfuka na Vutomi. Loyi a pfumelaka eka Mina, hambi loko a file, hambiswiritano u ta hanya. Loyi a hanyaka nakona a pfumela eka Mina a ngaka a nga fi. Ma swi pfumela leswi xana?” Teka nyangwa wa nala un'wana na un'wana!

¹¹⁸ A nga hlula njhani Bosworth, loko Xikwembu... Bosworth a ri endzeni ka Muhluri. Nakona xexo hi xona xivangelo a te, “Awara ya ntsako ngopfu ya vutomi bya mina hi yona sweswi.” Aha. U n'wi tivile Muhluri yaloye wa Matimba. Xitshembhiso xa Yena a xi wisa na Yena. Oho, mina! Sweswi hi nga ha yimbelela:

Eku hanyeni, U ndzi rhandzile; ekufeni, U ndzi ponisile;
 Eku lahliweni, U rhwarile swidyoho swa mina swi ya ekule;
 Eku pfukeni, U lulamisile mahala hilaha ku nga heriki;
 Siku rin'wana U le ku vuyeni, O siku ro kwetsima!

¹¹⁹ Eka lava swi tikombaka va hluriwile. Eddy Perronet, ndzi pfumela leswaku a ri yena, a nga swi koti ku xavisa tinsimu ta yena ta Xikreste. Ku hava loyi a ti lava. A vari hava xo xi endla ha ton. Oho, u hluriwile, nakona mupfumeri! Siku rin'wana, Moya lowo Kwetsima wu tile ehenhla ka yena. Nyangwa wa nala wa yena, lowu wu nga taka wu nga amukeli ku dyondzisa ka yena! Moya wu n'wi bile, nakona u vhunghile xitsalo, Xikwembu xi n'wi pfumelerile ku tsala risimu ro khangula.

Hinkwenu huwelelani matimba ya Vito ra
 Yesu!

Pfumelelani Tintsumi ti wa hi swikandza;
 Tisa emahlweni harhi ya vuhos, Kutani yi ambexiwa Yena Hosi ya hinkwaswo.

¹²⁰ Fanny Crosby wa bofu, nkarhi wun'wana. U te, "Xana swi vula yini eka n'wina?" Van'wana... Wansati a nga kalanga a xavisa timfanelo ta yena to tswariwa kukotisa Elvis Presley wa Mupentekosta a swi endleke, kumbe kukotisa hilaha Boone wa church-of-Christ a swi endleke, kumbe kukotisa Red Foley a nga swi endla, va xavisa titalenta ta vona eka misava; a va ri na nkumbi wa Ticadillacs to hatlisa, na miliyoni wa tidolara, tirikhodo ta nsuku. Kambe Fanny Crosby u tshame na ntiyiso eka ndhawu ya yena. U huwelerile:

U nga ndzi hundzi, O Muponisi wa kahle,
 Yingisa ku rila ka mina ko titsongahata;
 Loko U ri karhi u vitana lavan'wana,
 U nga ndzi hundzi.

Wena Xinkobyana xa ku chavezeleka ka mina hinkwako,
 Swi tlula vutomi eka mina,
 I mani loyi ndzi nga na yena emisaveni handle ka Wena?
 Kumbe i mani eTilweni handle ka Wena?

¹²¹ Va te, "Ku nga humelela yini loko u ri bofu loko u fika eTilweni?"

Wansati u te, "Ndzi ta N'wi tiva, hi ndlela yin'wana."

A ku, "Xana u ta N'wi tiva njhani?"

A ku, "Ndzi ta N'wi tiva."

A ku, "Manana Crosby, u nga ha endla miliyoni wa tidolaro."

A ku, "A ndzi lavi miliyoni wa tidolara."

¹²² "Xana u ta N'wi tiva njhani?" A ku:

Ndzi ta N'wi tiva, ndzi ta N'wi tiva,
Na ku kutsuriwa hi tlheloa Yena ndzi ta yima;
Ndzi ta N'wi tiva, ndzi ta N'wi tiva.

¹²³ "Loko ndzi nga N'wi voni, ndzi ta twa hi timbanga ta swipikiri emavokweni ya Yena." Wansati u hlurile nyangwa wa nala wa yena. Ina.

¹²⁴ Loko mi ri eka Kreste! U te, "Loko mi tshama eka Mina, na Marito ya Mina ya tshama endzeni ka n'wina; kombelani xikhiya lexi mi xi lavaka, kombelani nyangwa lowu mi lavaka ku wu teka; kombelani leswi mi swi lavaka, nakona mi ta nyikiwa swona. Loko mi tshama eka Mina, na Rito ra Mina ri tshama endzeni ka n'wina, mi nga ha teka nyangwa wun'wana na wun'wana wa nala lowu wu taka emahlweni ka n'wina." Mi Mbewu ya vuhosи ya Abraham.

¹²⁵ Xana i nyangwa wa muxaka muni wu nga yima emahlweni ka n'wina? Loko ku ri vuvabyi, mi hlula hi ku hlurisisa eka wona. Kutani hi nga ha ku, yimbelelani risimu leri ra khale ro tsokombela:

Xitshembhiso xin'wana na xin'wana eBukwini
i xa mina,
Kavanyisa kun'wana na kun'wana, ndzimana
yin'wana na yin'wana...na Vukwembu,
Ndzi tshembhela eka rirhandzu ra Yena ra
Vukwembu,
Hikuva xitshembhiso xin'wana na xin'wana
eBukwini i xa mina.

¹²⁶ Hi vahluli hi ku tlurisisa, nakona Mbewu ya Abraham yi ta fuma nyangwa wa nala! Loko va vula leswaku Swilo leswi swi ngaka swi nga humeleli, loko va lava ku Yi vitana javulosi, kumbe Beelzebub, kumbe swin'wana, Xikwembu xi na ntiyiso wo hlula nyangwa wun'wana na wun'wana na ku teka nala.

A hi khongeleni.

¹²⁷ Hosi, i ngaku Mbewu ya Abraham... Ndza swi tiva leswaku va ta Yi vona, Hosi. Ri nga wa njhani Rito rero handle ko ba Misava yaleyo ya ntuyiso? Ndza khongela leswaku va ta swi twisisa sweswi. Leswaku munhu un'wana na un'wana loyi a nga tata eka layini ya xikhongelo a hanyisiwa.

¹²⁸ Hosi, loko va ri kona van'wana lahawani hambiswiritano, lava vo ka va nga se endla ku tivula ka vona, lava nga yimangiki evanhwini nakona va yimela Kreste, va tilulamiserile ku tsan'wa minkhuva hinkwayo na swo titimela, swa ximfumo, swilo leswi swi nga fa leswi swi nga va susa eka Wena. Nakona leswaku va nga ha yima sweswi, va ku, "Ndzi ta N'wi amukela tani hi Muponisi wa mina." Kutani U ta va yimela hi Siku lero.

¹²⁹ Loko ha ha korhamisile tinhloko ta hina, loko kuri na lavaya va tsakelaka ku yima xinkadyana, eka xikhongelo, mi nge, “Ndzi lava ku N’wi yimela sweswi, leswaku A ta ndzi yimela hi Siku rero, eka Vukona bya Yena bya Vukwembu.” Ndza mi kombela, na ku mi nyika nkateko wa leswaku vito ra n’wina ri nghenisiwa eBukwini ya Vutomi, loko hi leswaku mi ta yima. A ndzi mi kombeli ku joyina kereke yin’wana na yin’wana. Ndza mi kombela ku ta eka Kreste, loko mi ri kona lahwani nakona mi nga N’wi tivi.

¹³⁰ Xikwembu xi ku katekisa, jaha. Ka ha ri na un’wana, a nge, “Ndzi—ndzi lava ku yima sweswi.” Xikwembu xi ku katekisa, manana. Xikwembu xi ku katekisa, sesi wa mina. “Ndzi lava...” Xikwembu xi ku katekisa. Xikwembu xi ku katekisa. “Ndzi teka xiyimo xa mina, ndzhengha lowu.” Vanhu lava va kahle, vavanuna na vavasati, lava va yimaka, “Ndzi ta teka xiyimo xa mina, ndzhengha lowu.”

¹³¹ Nakona hi siku lero loko dokodela a te, “Kunene, ku mbundzumuka; ngati ya yena yi le ku halakeni, rifu ri le henhla ka wanuna, kumbe ehenhla ka wansati.” Kumbe, mixo wun’wana, u ta tsundzuка xiyimo xa wena. N’wi yimeleni sweswi.

¹³² “Loko u ri na tingana ha Mina emahlweni ka vanhu, Ndzi ta va na tingana ha wena emahlweni ka Tatana wa Mina na Tintsumi leto kwetsima. Kambe loko u Ndzi vula emahlweni ka vanhu, Ndzi ta n’wi vula emahlweni ka Tatana wa Mina na Tintsumi leto kwetsima.”

¹³³ Xikwembu xi ku katekisa, sesi wa mina. Xana va ngava va ri kona eka balkhoni kun’wana? Kona sweswi, loko ha ha rindzerile. Van’wana va vona, va tele ehansi xana? Hi swona. Ndzi ku teka eritweni ra wena, munghana.

¹³⁴ Loko Rito ri wela eka Misava leyи noneke, kukotisa wansati lontsongo exihlobyenи, u—u twisisile. A yimeriwile eTilweni, ku sukela eka masu—... loko masungulo ya misava ya nge siva kona. Loko Rivoni leriya ri ta Yi ba, u Ri lemukile.

¹³⁵ Xikwembu a xi ku katekisi, makwerhu wa mina. Byebyo i vurhena... Xikwembu xi ku katekisa, makwerhu wa mina. U nga hava u endlile swilo swa kahle evuton’wini bya wena; u le ku endleni ka nchumu wa kahle swinene wo tlula lowu u nga tshama u wu endla, sweswi, yimela Kreste.

¹³⁶ Tatana wa hina wa le Matilweni, mbewu yi werile eka misava yin’wana, ndzhengha lowu. Hi vona Vutomi byi tlurhuka. Vavanuna na vavasati va yimile hi milenge ya vona, na tihlo leri ri vonaka hinkwaswo ra Xikwembu, Lexi kumekaka hinkwako-nkwako, lexи tivaka hinkwaswo, xa matimba hinkwawo, xa va vona. I va Wena, Tatana. Ndzi va tisa eka Wena sweswi, tani hi swidlodlo.

¹³⁷ Leswaku ntokonto lowu wa vona wu yimeke lahaya sweswi, va ri karhi va tiva leswi va nga swi endla, va tivaka leswi leswi swi vulaka swona, leswaku va yimile ku teka xiyimo xa vona na lava ntsongo va soriwaka va Hosi. Ingaku va nga tshama va ri ntiyiso ku fikela Siku lero loko va ta yima eVukoneni bya Wena, kutani Rito lero ro rhandzeka ri ta ku, "Ina, siku rin'wana a Baton Rouge, kumbe xindhawani xintsongo lexi vuriwaka Denham Springs, u Ndzi yimerile, Tatana, sweswi Ndza n'wi yimela wanuna, kumbe wansati." Hi nyike swona, Hosi. I va Wena, hi Vito ra Yesu. Amen.

Xikwembu a xi mi katekisi, eka ku yima ka n'wina. Xikwembu a xi tshame . . .

¹³⁸ Sweswi ndzi endleleni nchumu lowu wun'we. Kumani, loko mi ri laha ku kumekaka vafundhisi lava, ndzi vona vantsongo, vulavulani na vona. Loko mi nga se khuvuriwa, hi nkhuuvulo wa Xikreste, endlani tano. Kumeka exikarhi ka vapfumeri sweswi, vapfumeri va ntiyiso, ku ngari vapfumeri vo tiendlisa; vapfumeri va ntiyiso.

Loko ha ha khongela, a hi khongeleti swidukwana leswi.

¹³⁹ Tatana wa le Matilweni, swidukwana leswi swi ya ehandle sweswi; kwihi, a ndzi tivi. Kumbexani papa un'wana wa mudyuhari loyi a nga voniki a nga tshama lahawani enhlangasini kun'wana, a rindzeleke xidukwana lexi leswaku xi ta; xihlangi lexintsongo xi pavalarile lahaya emubedweni wa le xibedlele; manana a yimile, a ri eku vileleni, a rindzele ku vuyisiwa ka xidukwana. Tatana wa le Matilweni, ndza khongela leswaku U ta famba na vona. Na kuva mfungho wa Vukona bya Wena namunthla, na ripfumelo ra hina eka Wena tani hilaha hi chumayeleke Rito ra Wena, leswaku ripfumelo leri a ri ri eka Abraham, na ripfumelo leri ri nga humesiwa na ku nyikiwa eka hina hi Yesu Kreste, ri nga ha famba na swidukwana leswi na ku horisa un'wana na un'wana loyi a nga ta tlhandlekiwa swona. Ha swi rhumela, hi Vito ra Yesu. Amen.

¹⁴⁰ Sweswi ntsena xinkadyana, loko hi nga se vitana layini ya xikhongelo. Lowa matimba hinkwawo na Xikwembu xa matimba, Yena lonkulu, Yena loyi a enetisaka eka hinkwaswo . . . Ndza kombela, vanghana, ndzi—ndzi ya eku sunguleni ka ku khongeleta vavabyi, nakona mina . . . Kumbexani, loko hi ta ehansi, swi nga ha endleka ndzi—ndzi nga kumeki ndzi vula nchumu eka n'wina; van'wana va n'wina mi nga ha famba nkarhi walowo wu nga se fika. Hambi u ngava mani, loko u nga yimanga hambi kuri ku yima, eka xinkadyana lexi nga hundza, nakona u ngari na ntiyiso . . .

¹⁴¹ Loko u ri xirho xa kereke, walowo i nchumu wa kahle, kambe sweswo a swi ringanelanga. Ma vona, jaha leriya ra mufumi a ri ri xirho xa kereke. Ma vona? U vutisile Yesu leswaku a nga endla yini leswaku a va na Vutomi lebyi nga Heriki. A nga kalanga a

Ri a mukela. U sukile a famba. I nchumu wa vuphunta njhani eka jaha lero ku wu endla. Mi nga yi teki ndhawu ya yena. Ma tsundzuka hi nkarhi wo hetelela leswaku u tiviwile? Endzhaku nyana, u humelerile. A fuma swinene. U kumekile endhawini ku fikela laha hambi ku ri switlati swa yena swi nga buluka. Kambe hi kuma vutitivisi bya yena byo hetelela, etiheleni, malangavi ya ri karhi ya pfurha. U nga swi endli, u nga swi pfumeleri swi humeleta sweswo eka n'wina. Amukelani Kreste.

¹⁴² N'wina vanhu lavantsongo, n'wina vanhwenyani lavantsongo, vafana lavantsongo, ntsena u rhendzelekele eka vutomi, ndza kombela leswaku mi swi endla sweswo. Ndzi yingiseni, tani—tani hi makwenu wa n'wina, loyi a mi rhandzaka. Ndzi kona lahawani hikuva ndza mi rhandza. Ndzi rhandza Xikwembu, nakona ndza mi rhandza, nakona a ndzi nge swi koti ku rhandza Xikwembu loko ndzi nga mi rhandzi n'wina.

¹⁴³ A ndzi tava ko tala kumbexana, loko a mi vile na swo swi vula, swi vuleni eka jaha ra mina lahaya, kumbe un'wana wa vana va mina. Mi nge ntsena ndzi...mina, ndzi ta famba ndzi ngari na swona. Mutswari un'wana na un'wana u ta swi endla sweswo; swi tano nale ka Xikwembu. Ma vona? Xi rhandza vanhu va Xona. Rhandzanani.

¹⁴⁴ Mi ri, “U va khahlela yini?” Rirhandzu ra xiviri ra lulamisa.

¹⁴⁵ Loko n'wana wa n'wina a tshamile ehandle exitarateni; mi ri, “Kunene, lahaya ku tshamile Junior. A nga fanelanga a swi endla sweswo, kambe a ndzi swi lavi ku vavisa matitwele ya yena lamantsongo.” A mi n'wi rhandzi. U ta dlayiwa lahaya. Loko mi n'wi rhandza, mi ta n'wi nghanisa mi tlhela mi n'wi phakata. Mi ta n'wi endla leswaku a yingisela.

¹⁴⁶ Yaleylo i ndlela leyi Xikwembu xi yi endlaka. Rirhandzu ra lulamisa, nakona rero i rirhandzu xidzi.

¹⁴⁷ Loko muchumayeri a yima kutani a pfumelela n'wina vavasati leswaku mi boba misisi ya n'wina, mi tlhela mi tipenda na swin'wana, kutani a nga mi lulamisi, ku hava rirhandzu ra xiviri kwalaho; nakona a ngaka a nga swi vuli. Na ku pfumelela n'wina vavanuna mi teka ka nharhu kumbe kamune, na hinkwaswo swilo leswin'wana, kutani a mi tshika mi hundza na swona, ku hava rirhandzu ra xidzi kwalaho. A mi pfumelela ku joyina kereke, na ku mi bambetela enhlanini, na ku mi phutsela hi mikhuva yin'wana, kutani, “Sweswo hi swona hinkwaswo mi fanelaka ku swi endla, i ku joyina kereke yo kwetsima,” ku hava rirhandzu lahaya. Kumbe, kumbexani, munhu u lahlekile hi ku hetiseka, hi yexe, a nga voni.

¹⁴⁸ Rirhandzu ra xiviri ra lulamisa, ri tlhela ri mi vuyisela endzhaku eka Rito ra Xikwembu.

¹⁴⁹ Langutani eka Yesu, hilaha, leswi Yena a nga swivula, hikuva Yena wa va rhandza, swonghasi ku kondza A va fela endhawini ya vona, loko va hari eku vitaneni ka Ngati ya Yena.

¹⁵⁰ Sweswi leswaku Moya lowo Kwetsima wa kahle . . . ndzi lava ku rindzela nyana xinkadyana. Ndzi le ku rindzeleni ku kondza ntoto wa Moya lowo Kwetsima wu va ehenhleni ka mina, loko hi nga se sungula. A ndzi ri eku chumayeleni. Ndza mi khensa, hikokwalaho ka ntirhisano wa n'wina.

¹⁵¹ Sweswi, un'wana na un'wana loyi a nga lahawani, hambi mi ngava mi ri kwihi, kun'wana na kun'wana eka muako, khongelani ntsena xinkadyana, mi ku, "Hosi Yesu, ndzi pfune! Ndzi pfune! Ndzi pfumeleli ndzi khumbha nguvu ya Wena." Yesu u te, ma swi tiva, loko wansati a tava a khumbhile nguvu ya Yena, A nga swi twanga, hi xinyama, kambe U hundzulukile kutani a swi tiva leswaku a kuri mani na leswi a nga swi endla. Wa ha ri Yesu loyi a fanaka ndzhengha lowu, Muprista Lonkulu loyi a nga khumbhiwaka hi matitwele ya vulema bya hina.

¹⁵² Xana ma pfumela, un'wana na un'wana wa n'wina sweswi, leswaku i ntiyiso, leswaku Xikwembu lexi endleke xitshehbioso lexi, nakambe (nakona ingaku Xi nga ha xikombisa) leswaku hi hanya emasikwini ya Sodoma? I vangani va swi pfumelaka sweswo, emuakwini, ntsena yimisani mavoko ya n'wina.

¹⁵³ Hi le ku hanyeni, tani hilaha a swi ri hakona, eSodoma. Mafambiselo hinkwawo ya vile lawa ya nga thyakisawa, mafambiselo ya misava, hinkwaswo, mafambiselo ya tikereke, mafambiselo ya tipolotiki. Ku hava nchumu. Tipolotiki ti na vukungundwana ngopfu. Mafambiselo, hinkwako, valerisi va hina, hinkwaswo swi na vukungundwana. Na kereke yi hi ndlela yaleyo na yona. Mindyangu na yona yi va hi ndlela leyi yi fanaka. Ntsena i vukungundwana, Sodoma!

¹⁵⁴ Kutani, tsundzukani, Xikwembu xi vile na sweswo emahlweni ka n'wina, kutani tsundzukani leswaku Xi te Xi ta tikombisa hi Xoxe enyameni ya ximunhu, nakona xi ta endla kukotisa loko Xi swi endla ku nga se va na Sodoma, loko N'wana wa xitshehbioso a nga se humelela eka mbono. Xi tshehbisile ku rhumela loyi a nga ta tsutsuma emahlweni ka N'wana yaloye wa xitshehbioso, tani hilaha Xi swi endleke eka ndhawu yo sungula, loyi a nga ta tivisa; nakona Xi te, "Loko N'wana wa munhu a ta paluxiwa."

¹⁵⁵ A ndzi ku tivi. Kunene, Miss Thompson, xilumi xexo na ku hlanganana, wa pfumela leswaku Xikwembu xi ta ku hanyisa xana? Xana u nga swi pfumela xana? U ta swi endla? Miss, Miss Thomas, wa pfumela leswaku Xi ta ku horisa xana? Yimisa mavoko ya wena, kutani.

¹⁵⁶ Ku na manana loyi a nga tshama endzhaku ka wena. U le ku khongeleni. U na vuvabyi bya mahanganisi ya marhambu.

¹⁵⁷ Un'wana u tshamile ekusuhi na yena, u karhatiwa hi le khwirini, u le ku khongeleni na yena. U ta hambana na swona, loko u nga langutisi. A wu humi kona lahawani. U huma eMississippi. Hi n'wina Mr. na Mrs. Stringer. Loko mi pfumela

hi timbilu ta n'wina hinkwato, Yesu Kreste u ta mi hanyisa. Loko mi nga swi pfumela. Ma swi pfumela? Kutani mi nga ha swi amukela. Hi swona. Yimisani mavoko ya n'wina leswaku vanhu va ta swi vona leswaku hi n'wina.

¹⁵⁸ A ndzi va tivi vanhu va kona. A ndzi se tshama ndzi va vona, evuton'wini bya mina. Mi ta fanela ku pfumela, vanghana. U le ku titiviseni hi Yexe. Ma swi pfumela sweswo, hi timbilu ta n'wina hinkwato? [Nhlengeletano yi ku, "Amen."—Muhleri.]

¹⁵⁹ Hikokwalaho ka yini u hlakahla nhloko ya wena, nkulukumba, u tlhela u ndzi langutisa hi ndlela yaleyo? Ina, nkulumba. Hikuva u swi endlile sweswo, ndzi ta vulavula na wena xinkadyana. U wa maendlelo ya njhingha leyi yi nga kula leyi tshameke lahaya, u langutaka eka mina. U ndzi langutile, hi ku tshembheka kwaloko. U swi pfumerile. U le ku khongeleteni ka un'wana loyi a nga oma rihlanguti. Kambe—kambe nchumu wukulu lowu u wu khongeletaka, u lava, u le ku laveni ka nkhuvulo wa Moya lowo Kwetsima. Hi swona sweswo. Aha. Hi swona sweswo. Loko u swi pfumela! Manana, u le ku laveni ka ntirho. Handle ka sweswo, leswaku u ta swi tiva leswaku ndzi muprefeta wa Xikwembu, kumbe nandza, u vile na vuhandzuri byimbirhi. Byi ku siye u sala u tsanile. Tinxaka hinkwato ta swiyimo, khombo ra ximoya. Ndzi lava ku ku byela leswaku hinkwaswo swi tshamisekile. Ripfumelo ra wena ri ku hanyisile.

¹⁶⁰ [Xivati lexi nga riki na nchumu eka thepi—Muhleri]. . . loyi a nga tshama ekusuhi na wena lahaya. Wansati u le ku khongeleni. Langutisa lahawani. U ku twile, nakona u N'wi khumbhile. A ndzi ku tivi, kambe Yena wa ku tiva. Ndzi ta ku byela leswi a wu ri eku swi khongeleteni. Wa pfumela hi mbilu ya wena hinkwayo? U karhatiwa hi nyonghwa, u le ku khongeleni. Wa pfumela leswaku Xikwembu xi ta ku horisa xi ku endla u hanya? Hi wena Mrs. Smith. Hi swona sweswo. Yimisa voko ra wena.

¹⁶¹ Ma vona, U le ku titiviseni hi Yexe. Xana i yini? I Mbewu ya Abraham, ripfumelo leri Abraham a ri na rona, Hosi Yesu Kreste exikarhi ka hina, a tiyisisaka Rito ra Yena, na Swikombiso leswi landzelaka.

¹⁶² Mani, i makhadi mangani ya lavaka ku khongeleriwa, yimisani mavoko ya n'wina, mi ma khomile makhadi xana? Oho, swa antswa hi sungula layini ya xikhongelo.

¹⁶³ Ma swi vona, ma swi twisia a hi swona xana? Sweswi moyo walowo ku ngari ntsena. . . . Sweswo a swi hanyisi. Sweswo swa N'wi tivisa kuva a ri lahawani. Vafundhisu va n'wina ntsena va na matimba yo fana yo khongeleta vavabyi. A va swi endli sweswo; ee, a switano. Kambe va na—kambe va na matimba yo fana, "Swikombiso leswi swi ta landzela vapfumeri."

¹⁶⁴ Sweswi ndzi lava vanghana va mina va vafundhisu lahawani. (Swi lulamile, ku vitana ku suka eka vayingiseri . . . ? . . .)

¹⁶⁵ I vangani vafundhisi lava va nga kona lahwani va pfumelaka hi timbilu ta vona hinkwato, tiministara leti ti nga kona, ti pfumelaka? Oho, ndza mi khensa. Ndza tivutisa loko mi nga yima? Tanani haleno, yimani na mina ntsena xinkadyana, ehansi lahwani, hi khongeleta vavabyi. Tanani hi lahwani ehansi. Sweswi mi langutisa ku hanyisiwa loko ku humelela, langutisani leswi swi humelelaka.

¹⁶⁶ Ndzi mi lava leswaku mi ta, endlani ti—ti tilayini timbirhi lahwani. Ndzi le kuteni kwalaho ehansi ku ngari khale, ku ta khongeleta vavabyi. Ndzi lava vafundhisi lava va pfumelaka lava va lavaka ku titivisa hi voxé tani hi vapfumeri. Leswaku, u pfumela, leswaku u ta lahwani, u hanya byo tenga, vutomi byo tenga. Tsundzukani, langutisani lahwani leswi swi taka, swi yimela Evhangeli ya Kreste!

¹⁶⁷ Makwerhu Blair, ndza ku tiva kwalaho, wena kumbe Makwerhu Pat. Mi nga ha endla tilayini timbirhi hi ndlela leyi mi nga toloverisa ku swi endlisa xiswona, loko mi swi tsakela, wena na Makwerhu Pat.

¹⁶⁸ Vafundhisi lava va pfumelaka lava va nga ta pfumela! Sweswi, langutani, loko Xikwembu xi kota ku ti tivisa hi Xoxe hi Rito ra Xona, na hi Rito ra Xona, i vangani lava va swi tivaka leswaku Bibe, Yesu u te, “Swikombiso leswi swi ta landzela vona lava va pfumelaka. Loko va tlhandleka mavoko ya vona eka lava va vabyaka, va ta hlakarhela”? Vafundhisi, mi tile lahwani leswaku mi ta titivisa hi n’wexe tani hi vapfumeri. Mi tano? Mi va pfumeri (a mi tano?), a mi tava mi nga yimanga lahwani. Sweswi xana Yesu u te yini? “Swikombiso leswi swi ta landzela vona lava va pfumelaka.” Ndzi mupfumeri na n’wina.

¹⁶⁹ Ndzi le kuteni ehansi. Lava i vanhu va hina, nakona hi varisi ehenhla ka mintlhambi ley. Ndzi le kuteni ndzi ta tlharhamula nete wa mina na n’wina sweswi, ndzi khomanisa mavoko ya mina na n’wina. Kutani loko vanhu lava vari karhi va hundza, loko u ri na swin’wana leswi ntsena u kanakanaka nyana emiehlekeweni ya wena, swi susi sweswi; swingaleswi loko vanhu lava va ta hi kwalano, kutani loko un’wana na un’wana wa vona u ta ta hi kwalano, nakona hi va tlhandleka mavoko, va ta horisiwa. Xana mi ta pfumela hi timbilu ta n’wina hinkwato sweswi, un’wana na un’wana? [Tiministara ti ku, “Amen.”—Muhleri.]

¹⁷⁰ I vangani lava va nga kona va nga ta khongeleta van’wana tani hiloko va ri karhi va hundza, yimisani mavoko ya n’wina, “Ndzi ta va ndzi ri eku khongeleni.”

¹⁷¹ Tsundzukani, ku nga hava kuri tatana wa n’wina, manana wa n’wina, nhwana wa n’wina kumbe jaha, sesi kumbe boti. Nakona loko va ngari va wena, i va un’wana, loyi a nga ta ta hi layini ley. Nakona ku nga humelela yini loko ku ri vona, nakona va ri ekufeni hi mfukuzani, kumbe vuvabyi byin’wana byo biha

ngopfu, a wu nga ta lava vavanuna leswaku va tshembheka hi vuenti xana? Hakunene, hi ngava tano.

¹⁷² Sweswi, ndza pfumela, xana u ta swi endlisa ku yini... Sweswi lava va nga eka rheyi *leyi* nga lahwani, exikarhi lexi, yimani mi tiseketela hi tlhelo *leriya*, na khadi ra xikhongelo. Yimani mi tiseketela hi tlhelo lero, hinkwenu n'wina mi nga exineneni. Sweswi, hi ndlela ya ku, khomani tlhelo ra le ximatsini; hi ta kumeka hi manyanile, ma swi vona, nakona a mi swi tivi leswaku njhani, leswi hi swi endlaka. Swi lulamile, hinkwavo lava va nga eka tlhelo *leri*, tlakukani mi yima *lahawani*. Sweswi, hinkwavo lava va nga ethlolo ra le xineneni, ntsena tanani hi ndlela leyi, hikuva mi ta rhelela, mi ta mi jika.

¹⁷³ Nakona mi ta fambisa ku yini, va ta huma njhani, Makwerhu Borders? A va humi hi nyangwa wa le tlhelo, tanani mi jika mi tlhela mi vuyela emuakwini nakambe.

¹⁷⁴ Swingaleswi, loko tlhelo *leri* ri ta vitaniwa, eka timinetse tintsongo, nakona va ta yima. Nakona a hi voneni sweswi leswi... Swilulamile, lava va nga eka tlhelo *leri*, jikelani eka tlhelo leri lahwani. Khomani makhadi ya n'wina ya xikhongelo, yanani eka tlhelo leri. Na n'wina mi nga eka balkhoni, rhelelani mi ya hlangana na vona emakumu ka rheyi ehenhla lahaya. Sweswi lava va nga eka tlhelo leri ra ximatsi, fambani halahaya ximatsini. Kutani, ma swi vona, mi vumba layini ya n'wina kutani mi tlhela hi ndlela *yaleyo*; mi tlhelela endzhaku, mi tlhela hi ndlela ya *leyo*. Ma vona? Nakona mi ta landzelela layini mi jika na yona, kutani a hi ngevi na ku hlanganana eka hinkwaswo.

¹⁷⁵ Kutani n'wina mi nga ehenhla eka balkhoni, ntsena endlani tindhawu ta n'wina exikarhi ka vona, nakona ntsena nghenani loko va ri karhi va hundza.

¹⁷⁶ Sweswi, sweswi ntsena sungulani ku famba mi tlhelela endzhaku, un'wana na un'wana, fambani mi tlhelela endzhaku ku fikela laha mi hlanganaka na layini leyi ku jika hi *lahawani*. Ntsena tanani hi ku rhendzeleka, ku ta fika *lahawani*, ntsena sungulani ku famba mi jika kutani mi ta eka layini leyi nga *lahawani*.

¹⁷⁷ Oho, leswi nga humevelaka sweswi! Leswi nga humevelaka! Lowu wu tava wu ri nkarhi laha swin'wana swi nga ta teka ndhawu. Hi swona.

¹⁷⁸ Sweswi, hi swona sweswo, fambani mi tlhelela endzhaku hi ndlela *yaleyo*, nakona mi kumeka elayinini, tani hi sweswo. Fambani mi jika hi laha xikarhi. Yaleyo hi yona ndlela sweswi.

¹⁷⁹ Kutani sweswi loko ma ha yimile, un'wana na un'wana hi milenge ya yena, hi ya eku nyikeni ka xikhongelo. Nakona nhlengeletano leyi yi ya eku khongeleni na mina, leswaku mi ta hanyisiwa. Ntsena vanani na ripfumelo sweswi. Nakona mi nga...

¹⁸⁰ Tanani mi ri karhi mi jika, hi ndlela yo tlhelela endzhaku, tanani mi ri karhi mi rhendzeleka mi ri karhi mi joyina layini endzhaku lahawani. Tanani mi ri karhi mi jika, mi endla layini yin'we leyikulu. Mi ta mi jika hi ndlela *yaleyo*, kutani mi endla layini yin'we. Hi swona sweswo.

¹⁸¹ Un'wana na un'wana a vi eka xikhongelo. Mi va eka ripfumelo hakunene sweswi. Ntsena u ngavi na mhaka na ntshungu sweswi. Tsundzukani, hi—hi rhendzeriwe hi Vukona bya Yesu Kreste, swi le ka hina ku xixima leswi Yena a nga swi endla exikarhi ka hina, hi kuva na ripfumelo eRitweni ra Yena.

¹⁸² Swi kahle sweswo. Sweswi swi tava kahle. Ndzi ehleketa leswaku layini yaleyo yi va kahle.

¹⁸³ Sweswi loko va ha yimile hinkwavo, ndzi lava munhu un'wana na un'wana sweswi, eka muako, ku korhamisa tinhloko ta n'wina.

¹⁸⁴ Hosi Yesu, swi lava ku humeleta ku ngari khale. Swiboho swi fanele ku endliwa sweswi. Ha pfumela leswaku U kona kwala xana? Xana ha Ku rhandza xana? Xana hi na rona ripfumelo, Hosi, ro ringanelia eka leswaku hi yaka eku swi kombeleni xana? Vanhu lava va le ku titiviseni hi voxie hi ku yima elayinini. Hosi, swi ngavi swa hava. A swi ve tano, Hosi, leswaku va ta hundza hi kwala, un'wana na un'wana u ta hundza kukotisa loko va hundza ehansi ka Kreste, hikuva ha swi tiva leswaku U kona kwala. Nakona ha khongela leswaku va ta amukela ku horisiwa ka vona. Ndzi na ntiyiso wa leswaku hambi kuri emavhikini na mavhiki lawa ya ha taka, vanhu lava va taya eka vafundhisi va vona, vavasati lava a va karhatiwa hi swilumi, ku karhateka emakhwirini ya vona, vavanuna hi vununa bya vona, ku karhateka ka tinxaka hinkwato, va ta hanyisiwa, va vula leswaku, "Ma swi tiva, nchumu wu sukile eka mina," hikuva va le Vukoneni bya Wena. Leswaku va nga ha ta sweswi na—na ku tswonga leswaku Wena u nga swi fela. Hi vona Mbewu ya Abraham, nakona U va hlulerile. Leswaku va nga ha ta na ku amukela leswaku Wena u nga va nyika swona.

¹⁸⁵ Nakona, Sathana, u paluxiwile vhiki leri, ku fikela laha u swi tivaka leswaku u muhluriwa. Yesu Kreste u ku hlurile eXihambanweni. U pfukile hi siku ra vunharhu, hikwalaho ka ku lulamisiwa ka hina, nakona U yimile exikarhi ka hina sweswi. Nakona ripfumelo ra hina ri langutisile eka Yena, ri sukile eka wena na swin'wana na swin'wana leswi u nga swi endla. Tshika vanhu lava, hi vito ra Yesu Kreste.

¹⁸⁶ [Makweru Branham na tiministara va tlhandleka mavoko eka vavabyi va khongelela un'wana na un'wana elayinini ya xikhongelo. Xivati lexi nga riki na nchumu eka thepi—Muhleri.] . . . ? . . .

¹⁸⁷ Hi endlile ntsena hilaha N'winyi a hi kombeleke ku endla hakona. I vangani va n'wina lava va nga nghena eka layini

yaleyo, mi pfumela leswaku mi ya eku hanyisiweni, yimisani mavoko ya n'wina. Ndzi hlanganisa ra mina na ya n'wina.

¹⁸⁸ Leswi a hi ri eku swi endleni lahaya, eku heteleleni, tani hi ntlawwa wa vaministara lahaya; votala va vona a va vabya, a ndzi swi tiva, kambe va ringeta ku rhangisa matshalatshala ya vona leswaku va kota ku nghenisa nhlengeletano ya vona, hambi va nghena kumbe va nga ngheni. Valava i varisi va xiviri. Nakona Moya lowo Kwetsima wu te eka mina, “Va endli leswaku va khomana hi mavoko un’wana eka un’wana.” Hi bohile timbilu ta hina na tinete kun’we, na swi khongelo swa hina, kun’we.

¹⁸⁹ Yesu, va hanyise, na vona. Kutani u va endla varisi vo tiyela, va tiya eRitweni ra Hosi.

¹⁹⁰ I ngaku Xikwembu, vamakwerhu va mina, i ngaku Xi nga ha mi nyika hinkwako ku navela ka timbilu ta n'wina. Leswaku mi nga ha N'wi tirhela masiku hinkwawo, na kuva na matimba ya Xikwembu evuton'wini bya n'wina, ku ministarela ntlawwa lowu wa kahle wa vanhu. Leswaku Yesu Kreste, loyi a nga va na hina, nakona a va na n'wina nkarhi hinkwawo, i ngaku A nga ha ti endla hi Yexe ku va loyi a vonakaka ngopfu eka n'wina ku tlula leswi Yena a nga tshama a va xiswona.

¹⁹¹ N'wina vanhu, van'wana va n'wina lava a mi ri swilema, swi nga endleka mi nga voni ku hambana xinkadyana, swi nga ha endleka mi nga voni ku hambana. Langutani leswi Abraham a swi endleke. A swi endli ku hambana leswaku i yini; sweswo a hi swona leswi mi nga langutisa eka swona. A mi languti swikombiso swa n'wina. Langutani leswi Yena a nga swi vula. Loko mi ku, “Ndza ha twa xitlhavi,” sweswo swi hava leswi swi nga swi endlaka na swona. Mi endlile leswi Xikwembu xi nge te swi endleni. Ma vona, mi nga languti eka sweswo. Langutani eka leswi Xona xi nga swi vula. Xikwembu xi vule leswaku a swi ri tano! Ndza swi pfumela. A mi swi pfumeli? [Nhlengeletano yi ku, “Amen.”—Muhleri.] Hi mbilu ya mina hinkwayo, ndza swi pfumela.

¹⁹² Hosi a yi mi katekisi ku kondza ndzi mi vona nakambe. Swikhongelo swa mina i swa n'wina; vusiku a byi nga vi na munyama ngopfu, mpfula yi nga ni hi matimba ngopfu. Ndzi tava ndzi ri karhi ndzi mi khongelela. Na n'wina mi ndzi khongelela. Ku kondza hi hlangana nakambe, Xikwembu a xi mi katekisi. Sweswi makwerhu wa mufundhisi, ma vona.



KU FUMA NYANGWA WA NALA ENDZHAKU KA NDZINGO TSO64-0322
(Possessing The Gate Of The Enemy After Trial)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni nhlikani, Nyenyankulu 22, 1964, eDenham Springs High School eDenham Springs, Louisiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org